

Samningur

mennta- og menningarmálaráðuneytis við Landssamtök íslenskra stúdenta um framlag vegna starfsemi árið 2018

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Landssamtök íslenskra stúdenta, kt. 500714-0420, í samningi þessum nefnt LÍS, gera með sér svofelldan samning um starfsemi og þjónustu LÍS.

1. Markmið og starfsemi

1.1. Meginmarkmið með samningi þessum eru að:

- stuðla að öflugum samstarfsvettvangi háskólastúdenta.
- LÍS sé öflugur tengiliður stjórnvalda við íslenska háskólastúdenta í umræðu um skipulag háskólakerfisins og stefnumótun.

1.2. Starfsemi

- **Hagsmunagæsla stúdenta:** Að standa vörð um hagsmuni stúdenta hérlandis sem og hagsmuni íslenskra stúdenta á alþjóðavettvangi, skapa samstarfsvettvang fyrir íslensk stúdentafélög, taka þátt í alþjóðlegu samstarfi og vinna að hagsmunum stúdenta á alþjóðavísu, vinna að samræmingu gæðastarfs og stuðla að jöfnu aðgengi að háskólanámi.
- **Samskiptavettvangur:** Vera öflugur samráðs- og samskiptavettvangur stjórnvalda við stefnumótun á málefnasviði háskóla og vísinda.
- **Nefndapátttaka:** Taka virkan þátt í starfi ýmissa nefnda og ráða svo sem Nýsköpunarsjóði námsmanna, Ráðgjafanefnd Gæðaráðs íslenskra háskóla, Áfrýjunarnefnd í kærumálum háskólanema, Gæðaráði íslenskra háskóla, verkefnastjórn um endurskoðun á lögum um LÍN og fl.
- **Verkefnapátttaka:** Taka þátt í ýmsum verkefnum á sviði háskólamenntunar svo sem Eurostudent könnun, The Bologna Reform in Iceland (Bore II) og fl.
- **Alþjóðasamstarf:** Taka þátt í starfi European Students' Union með þátttöku á European Students' Convention, Nordic Organizational Meeting (NOM), European Students' Union Board Meeting og fl.
- **Viðburðir:** Skipulagning og yfirumsjón viðburða svo sem landsþings LÍS, málþinga tengdum málefnum stúdenta og fl.

2. Forsendur samnings og lagaheimildir

- 2.1. Framlag ríkisins til samnings þessa er kr. 5 milljónir árið 2018.
- 2.2. LÍS starfar samkvæmt lögum LÍS sem samþykkt voru á landsþingi LÍS 2017.
- 2.3. LÍS starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á; eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð styrkþega

- 3.1. LÍS ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. LÍS skal geta lagt fram gögn og skýrslur þessu til staðfestingar, sé eftir því leitað.
- 3.2. LÍS ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. LÍS er óheimilt að:

3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.

3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

4.1. Ráðuneytið greiðir framlag ársins 2018 sem hér segir:

4.1.1. Í framhaldi af undirritun samnings þessa greiðist 50%, 20% 1. október 2018, 20% 1. desember 2018 og 10% 1. febrúar 2019 í framhaldi af skilum greinargerðar og fjárhagsuppgjörs samkvæmt ákvæði gr. 5.2. Greitt er inn á bankareikning í viðskiptabanka LÍS nr. 0133-26-500714.

4.2. Eigi LÍS í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

5.1. Ráðuneytið hefur eftirlit með framkvæmd samningsins.

5.2. Fyrir lok janúar 2019 skilar LÍS ráðuneytinu greinargerð ásamt fjárhagslegu uppgjöri um framkvæmd samningsins.

5.3. LÍS skilar ráðuneytinu upplýsingum sem það kallar eftir vegna opinberrar upplýsingagjafar.

5.4. LÍS veitir ráðuneytinu upplýsingar og gögn sem það kallar eftir vegna eftirlits með framkvæmd samningsins.

5.5. Samning þennan, greinargerð um framkvæmd samningsins skal birta á vef LÍS jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

5.6. LÍS setur á vefsíðu sína ýmis gögn sem eru efnislegar afurðir verkefnisins, svo sem skýrslur, leiðbeiningar og áætlanir.

6. Vanefndir og meðferð ágreinings

6.1. LÍS tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.

6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli LÍS ekki skyldur sínar samkvæmt samningi þessum.

6.3. Samningsaðilar munu leitast við að jafna ágreining, ef einhver er, sín á milli.


6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

7.1. Samningurinn gildir frá 1. janúar 2018 til 31. desember 2018.

7.2. Samningur þessi er gerður í tveimur samhljóða eintökum og heldur hvor aðili eintaki.

Reykjavík 12. apríl 2018



Mennta- og menningarmálaráðherra
Lilja Alfreðsdóttir



Landssamtök íslenskra stúdenta
Aldís Mjöll Geirsdóttir, formaður